

MALAYSIA

DEWAN RAKYAT

ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI KHAMIS, 22 OKTOBER 2015, PUKUL 10.00 PAGI

Bil. 40

PERTANYAAN-PERTANYAAN BAGI JAWAB LISAN

1. PR-1333-L70939
Dato' Abd. Aziz bin Haji Sheikh Fadzir [Kulim Bandar Baharu] minta **MENTERI PENDIDIKAN TINGGI** menyatakan jumlah hasil penyelidikan oleh para saintis negara serta penyelidik universiti yang telah dipatenkan dan telah dikomersialkan. Berapakah jumlah dan peratus daripada jumlah keseluruhan kajian yang telah dilakukan diguna pakai oleh syarikat tempatan dan antarabangsa.
2. PR-1333-L70410
Puan Teresa Kok Suh Sim [Seputeh] minta **PERDANA MENTERI** menyatakan jumlah pengundi baru yang didaftarkan dengan SPR di setiap negeri sejak Mei 2013. Sila nyatakan sebab SPR menghalang parti politik mendaftar pengundi baru dan mekanisme yang digunakan oleh SPR untuk mendaftar pengundi baru.
3. PR-1333-L71357
Tan Sri Datuk Seri Panglima Annuar bin Musa [Ketereh] minta **MENTERI BELIA DAN SUKAN** menyatakan sejauh manakah keberkesanan Program Fit Malaysia yang giat dijalankan di seluruh negara dan adakah ianya mencapai sasaran yang telah ditetapkan oleh Kementerian dan nyatakan langkah pemantapan program berkenaan pada masa hadapan.
4. PR-1333-L69623
Puan Hajah Zuraida binti Kamaruddin [Ampang] minta **PERDANA MENTERI** menyatakan rasional rumah mampu milik yang dibina oleh Perbadanan PR1MA meletakkan harga yang terlalu tinggi menyebabkan ia tidak mampu dimiliki rakyat.
5. PR-1333-L71220
Dato' Hasbullah bin Osman [Gerik] minta **MENTERI SUMBER ASLI DAN ALAM SEKITAR** menyatakan apakah FRIM akan menilai semula berbagai caj yang agak mahal dan bertentangan usaha untuk meningkat aktiviti kesedaran hutan di kalangan orang awam. Apakah FRIM benar-benar komited untuk menjalankan aktiviti advokasi dan kesedaran alam sekitar tanpa beban kos yang tinggi.

6. PR-1333-L71077
Tuan V. Sivakumar [Batu Gajah] minta **MENTERI TENAGA, TEKNOLOGI HIJAU DAN AIR** menyatakan apakah usaha Kerajaan untuk merundingkan semula *Power Purchase Agreement (PPA)* yang jelas merugikan negara dan rakyat. Adakah terdapat usaha untuk meminda mana-mana undang-undang bagi membolehkan perjanjian ini didedahkan kepada umum.
7. PR-1333-L70854
Dato' Hasan bin Arifin [Rompin] minta **PERDANA MENTERI** menyatakan adakah projek kereta api laju dari Kuala Lumpur ke Singapura akan diteruskan. Apakah kesan keuntungan ekonomi yang dapat diperoleh kepada negara kita.
8. PR-1333-L69977
Tuan Er Teck Hwa [Bakri] minta **MENTERI PERTANIAN DAN INDUSTRI ASAS TANI** menyatakan apakah status kes beras ST15 yang berjumlah 6029 tan metrik yang tersimpan di kilang Dibuk Sdn. Bhd. Siapakah yang perlu dipertanggungjawabkan berkaitan isu ini. Apakah tindakan yang telah diambil terhadap pengilang terbabit.
9. PR-1333-L70204
Datuk Koh Nai Kwong [Alor Gajah] minta **MENTERI KERJA RAYA** menyatakan apakah penguatkuasaan yang dilaksanakan oleh Kementerian untuk mengelakkan isu keselamatan di tapak pembinaan tidak di perkecilkan dan terma-terma keselamatan di tapak pembinaan dipenuhi.
10. PR-1333-L70258
Tuan M. Kulasegaran [Ipoh Barat] minta **MENTERI SUMBER MANUSIA** menyatakan :-
 - (a) sama ada Kerajaan berhasrat untuk mengkaji dan mempertingkatkan dasar gaji minimum supaya daya tarikan dan peluang pekerjaan untuk rakyat tempatan dapat ditambah; dan
 - (b) mengapakah ketiadaan penekanan terhadap dasar "Pekerjaan di Malaysia untuk rakyat Malaysia sahaja" (*Malaysia Jobs for Malaysians only*) dalam pasaran kerja.
11. PR-1333-L70393
Datuk Aaron Ago anak Dagang [Kanowit] minta **PERDANA MENTERI** menyatakan status kejayaan pelaksanaan Program Transformasi Kerajaan (GTP) dan Program Transformasi Ekonomi (ETP).
12. PR-1333-L70068
Tuan Wong Ling Bui [Sarikei] minta **MENTERI PERUSAHAAN PERLADANGAN DAN KOMODITI** menyatakan apakah punca utama menyebabkan harga komoditi getah dan kelapa sawit menurun dengan begitu mendatar. Apakah langkah dan tindakan Kerajaan Pusat yang telah diambil untuk membantu pekebun atau peladang getah dan kelapa sawit.

13. PR-1333-L70499
Datuk William @ Nyallau anak Badak [Lubok Antu] minta **MENTERI PERTANIAN DAN INDUSTRI ASAS TANI** menyatakan setakat mana kemajuan pelaksanaan mengenai peruntukan *aquaculture* Empangan Batang Ai yang diperuntukkan sejak 3 tahun yang lalu.
14. PR-1333-L71595
Puan Nurul Izzah binti Anwar [Lembah Pantai] minta **MENTERI PENDIDIKAN TINGGI** menyatakan :-
- (a) jumlah subsidi yang diberikan oleh Kementerian kepada kesemua universiti awam di Malaysia mengikut tahun dari tahun 2005 hingga 2015; dan
 - (b) apakah justifikasi pembahagian bayaran yuran pengajian, yuran penginapan, pengangkutan dan eksekutif yang berlainan mengikut universiti.
15. PR-1333-L70784
Datuk Rozman bin Isli [Labuan] minta **MENTERI WILAYAH PERSEKUTUAN** menyatakan adakah sedar bahawa rakyat Labuan amat mendambakan jambatan yang menghubungkan antara Pulau Labuan dan tanah besar Sabah. Ia juga adalah pemacu perubahan yang ditunggu-tunggu sejak menjadi Wilayah Persekutuan sejak 31 tahun lalu.
16. PR-1333-L69775
Tuan William Leong Jee Keen [Selayang] minta **PERDANA MENTERI** menyatakan skop dan fungsi Jawatankuasa Khas Ekonomi dan sebab-sebab pembentukannya.
17. PR-1333-L69670
Datuk Juslie bin Ajirol [Libaran] minta **MENTERI KEWANGAN** menyatakan status terkini akaun semasa negara, tahap pengangguran, kadar tabungan dan tahap hutang luar negara yang menggambarkan pada dasarnya ekonomi Malaysia kekal baik dan tidak menjurus ke arah krisis.
18. PR-1333-L69592
Laksamana Pertama Mohamad Imran bin Abd Hamid (B) [Lumut] minta **MENTERI KERJA RAYA** menyatakan status projek Penjajaran Lebuhraya dari Banting ke Taiping ketika ini.
19. PR-1333-L71543
Puan Hajah Fuziah binti Salleh [Kuantan] minta **MENTERI KOMUNIKASI DAN MULTIMEDIA** menyatakan :-
- (a) sama ada pihak Kementerian sedar bahawa Agensi Pemungut Hutang sering mendapatkan nombor telefon waris terdekat orang yang berhutang untuk memberi tekanan, yang jelas bertentangan dengan Akta Perlindungan Maklumat; dan
 - (b) apakah tindakan yang diambil pihak Kementerian dalam hal ini.

20. PR-1333-L70025
Datuk Abd Rahim bin Bakri [Kudat] minta **MENTERI KEWANGAN** menyatakan apakah prospek ekonomi negara bagi tahun 2015 ini dan tahun-tahun mendatang dan apakah langkah-langkah menghadapi kelembapan berikutan prospek ekonomi global yang tidak menentu.
21. PR-1333-L70744
Dato' Johari bin Abdul [Sungai Petani] minta **MENTERI KEWANGAN** menyatakan :-
- (a) sejak nilai Ringgit Malaysia (RM) jatuh menjunam tahun 2015 ini, apakah implikasi terhadap pertumbuhan ekonomi negara; dan
 - (b) adakah Bank Negara memainkan peranan dalam membendung kejatuhan, dan jika ada berapa kos yang terlibat sehingga Ogos 2015.
22. PR-1333-L71148
Ir. Shaharuddin bin Ismail [Kangar] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan jumlah laporan penjualan gajet elektronik tiruan yang telah diterima sepanjang tahun 2015 dan apakah bentuk hukuman yang telah dikenakan kepada peniaga yang menjual gajet tiruan.
23. PR-1333-L70166
Tuan Idris bin Haji Ahmad [Bukit Gantang] minta **MENTERI PENDIDIKAN** menyatakan jumlah hutang Kerajaan kepada kontraktor yang telah menyiapkan sekolah, tetapi masih belum mendapat bayaran pada berakhir 31 Disember 2014.
24. PR-1333-L71436
Tuan Tan Kok Wai [Cheras] minta **MENTERI KEWANGAN** menyatakan jumlah pengurangan peruntukan yang diluluskan untuk perbelanjaan pembangunan setiap Kementerian di bawah Belanjawan 2015. Apa rasional dan keperluan pengurangan tersebut.
25. PR-1333-L69548
Dato' Haji Irmohizam bin Haji Ibrahim [Kuala Selangor] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah perancangan dan tindakan Kerajaan untuk meneliti serta membanteras masalah kartel dalam industri perumahan yang telah mewujudkan pasaran spekulasi harga rumah, yang telah memberikan kesan negatif yang besar khususnya kepada rakyat yang berpendapatan rendah dan sederhana selain membebankan Kerajaan secara keseluruhan.
26. PR-1333-L70149
Tuan Wan Hasan bin Mohd Ramli [Dungun] minta **MENTERI DALAM NEGERI** menyatakan apakah pertimbangan untuk membawa masuk 1.5 juta tenaga kerja dari Bangladesh seperti yang diumumkan oleh Menteri Dalam Negeri.

27. PR-1333-L70378
Dato' Haji Abdul Rahman bin Haji Mohamad [Lipis] minta **PERDANA MENTERI** menyatakan sama ada Kerajaan akan mewujudkan semula Akta Keselamatan Dalam Negeri (ISA) sebagai usaha mencegah kegiatan jenayah berat di negara ini kerana akta tersebut dianggap undang-undang paling relevan bagi menangani jenayah berat di negara ini.
28. PR-1333-L69729
Tan Sri Dato Sri William Mawan Ikom [Saratok] minta **MENTERI KEWANGAN** menyatakan apakah perancangan jangka panjang dan pendek pihak Kerajaan dalam memastikan dasar kewangan negara akan terus berkembang selari dengan pertumbuhan ekonomi serantau serta apakah tanda aras yang akan diguna pakai.
29. PR-1333-L70524
Puan Hajah Normala binti Abdul Samad [Pasir Gudang] minta **MENTERI KEWANGAN** menyatakan adakah pihak Kementerian bercadang untuk menubuhkan skim pencen kepada pekerja-pekerja swasta melalui Kumpulan Wang Simpanan Pekerja (KWSP) serta apakah implikasi positif dan negatif kepada penubuhan tersebut.
30. PR-1333-L70913
Puan Kasthuriraani a/p Patto [Batu Kawan] minta **PERDANA MENTERI** menyatakan siapakah yang telah menyumbang RM2.6 bilion ke dalam akaun peribadi YAB. Perdana Menteri serta tujuannya dan bagaimana ianya diklasifikasikan sebagai "*derma dan bukan rasuah*" sedangkan SPRM belum mengambil keterangan daripada beliau dan penyiasatan terhadapnya masih belum bermula.
31. PR-1333-L69717
Dato' Haji Mohd Zaim bin Abu Hasan [Parit] minta **MENTERI KEWANGAN** menyatakan jumlah aliran keluar wang untuk disimpan di luar negara semenjak September 2014, sebagai langkah lindung nilai (*hedging*) kesan daripada kejatuhan mata wang Ringgit Malaysia.
32. PR-1333-L71010
Tuan R. Sivarasa [Subang] minta **PERDANA MENTERI** menyatakan sebab pihak FELDA membantah dan menghalang pengeluaran lesen menjual kelapa sawit oleh Lembaga Kelapa Sawit Malaysia kepada peneroka-peneroka FELDA yang sudah selesai semua hutang dan mendapat hak milik tanah mereka.
33. PR-1333-L70195
Dato' Henry Sum Agong [Lawas] minta **MENTERI PENDIDIKAN** menyatakan berapa buah bangunan sekolah yang sudah uzur di kawasan Parlimen Lawas yang akan dibangunkan semula di bawah RMKe-11.
34. PR-1333-L69753
Tuan Charles Anthony Santiago [Klang] minta **MENTERI KEWANGAN** menyatakan rancangan Kerajaan untuk mengurangkan beban terhadap pemandu-pemandu teksi yang terpaksa membayar cukai GST sebanyak empat kali. Adakah Kerajaan sudi untuk menyifarkan kadar GST bagi pemandu teksi.

35. PR-1333-L71290
Tuan Mohamed Azmin bin Ali [Gombak] minta **MENTERI SUMBER ASLI DAN ALAM SEKITAR** menyatakan apakah tindakan Kerajaan terhadap syarikat-syarikat Malaysia yang melakukan penebangan dan pembakaran hutan di Indonesia sehingga menjadi punca jerebu.
36. PR-1333-L70664
Tuan Tony Pua Kiam Wee [Petaling Jaya Utara] minta **MENTERI KEWANGAN** menyatakan sama ada perjanjian jaminan bon berjumlah US\$3.5 bilion yang diberi oleh International Petroleum Investment Corporation (IPIC) mensyaratkan supaya lebih kurang RM4.5 bilion dalam Laporan Audit 2014 dicagarkan kepada IPIC atau anak syarikatnya, Aabar Investment. Adakah cagaran ini diiktiraf oleh IPIC.
37. PR-1333-L70422
Tuan Lim Lip Eng [Segambut] minta **MENTERI KOMUNIKASI DAN MULTIMEDIA** menyatakan status tindakan mahkamah dan senarai nama orang yang ditangkap dalam insiden pergaduhan di Plaza Low Yat pada Julai lalu dan juga orang yang membuat ucapan provokasi perkauman, menyalahgunakan media sosial untuk menghasut kebencian dan mencetuskan ketegangan kaum berhubung insiden Low Yat ini.
38. PR-1333-L69588
Dr. Michael Jeyakumar Devaraj [Sungai Siput] minta **MENTERI PENDIDIKAN** menyatakan mengapa 50 pekerja pembersihan (cleaners) di beberapa sekolah di Ipoh tidak dibayar gaji bagi bulan Julai dan Ogos sehingga 14 September 2015. Adakah benar majikan mereka, Double Click Enterprise, tidak dibayar oleh Kerajaan untuk bulan Julai dan Ogos sehingga 14 September 2015.
39. PR-1333-L70177
Dato' Dr. Nik Mazlan bin Nik Mohamad [Pasir Puteh] minta **MENTERI PENDIDIKAN TINGGI** menyatakan perbelanjaan MyBrain yang dibayar kepada pelajar-pelajar yang melanjutkan pengajian ke peringkat Sarjana dan Doktor Falsafah, adakah mencapai target yang dikehendaki Kementerian setakat ini. Berapakan perbelanjaan yang telah digunakan.
40. PR-1333-L70006
Tuan Haji Khalid bin Abdul Samad [Shah Alam] minta **PERDANA MENTERI** menyatakan :-
- (a) dari manakah RM20 bilion akan diambil bagi membantu pasaran saham Malaysia; dan
 - (b) adakah dalam kajian pihak Kementerian bahawa RM20 bilion ini mampu menambah baik pasaran saham semasa.
41. PR-1333-L70966
Dr. Ong Kian Ming [Serdang] minta **MENTERI SUMBER ASLI DAN ALAM SEKITAR** menyatakan langkah-langkah spesifik yang diambil oleh Kerajaan untuk mencapai pengurangan 40% dalam pelepasan karbon yang dijanjikan oleh Perdana Menteri di Copenhagen pada tahun 2009 dan diulangi di New York pada 2014.

42. PR-1333-L70516
Tuan Lim Kit Siang [Gelang Patah] minta **MENTERI DALAM NEGERI** menyatakan senarai penuh nama orang yang sedang disiasat, didakwa di bawah Seksyen 124B hingga 124N Kanun Keseksaan; dan tindakan yang telah diambil untuk memastikan tiada penyalahgunaan kuasa dalam penggunaan Seksyen ini atas agenda lain.
43. PR-1333-L71450
Dr. Hajah Siti Mariah binti Mahmud [Kota Raja] minta **MENTERI DALAM NEGERI** menyatakan syarat-syarat yang dikenakan untuk rakyat mengadakan perhimpunan aman dan jelaskan kenapa perhimpunan BERSIH 4.0 tidak mendapat kebenaran tetapi perhimpunan “Baju Merah” mendapat sokongan dari Kerajaan.
44. PR-1333-L71201
Tuan Mohd Rafizi bin Ramli [Pandan] minta **PERDANA MENTERI** menyatakan senaraikan setiap perjalanan jet Kerajaan ACJ320 sejak mula perkhidmatan hingga 31 Oktober 2015 dengan maklumat siapa yang menaiki, tujuan perjalanan dan kos yang ditanggung Kerajaan bagi setiap perjalanan itu.
45. PR-1333-L69743
Dato Sri Dr. Muhammad Leo Michael Toyad Abdullah [Mukah] minta **MENTERI PENDIDIKAN** menyatakan bilangan guru-guru Bahasa Inggeris yang ditempatkan di luar bandar Sarawak.
46. PR-1333-L70985
Dato' Ir. Haji Nawawi bin Ahmad [Langkawi] minta **MENTERI PERUSAHAAN PERLADANGAN DAN KOMODITI** menyatakan
- (a) apakah perancangan Kerajaan untuk menaikkan harga komoditi getah yang rendah masa kini; dan
 - (b) harga getah sepatutnya naik disebabkan penurunan nilai mata wang tetapi ia tidak berlaku begitu, kenapa.
47. PR-1333-L71162
Tuan Hee Loy Sian [Petaling Jaya Selatan] minta **MENTERI SUMBER ASLI DAN ALAM SEKITAR** menyatakan :-
- (a) bagaimana Kementerian menyelesaikan masalah jerebu yang berlaku setiap tahun terutama di musim kemarau; dan
 - (b) hasil perbincangan dua hala bersama Kerajaan Indonesia mengenai memorandum persefahaman mengatasi masalah jerebu.

48. PR-1333-L71331
Dato' Sri Hasan bin Malek [Kuala Pilah] minta **MENTERI PELANCONGAN DAN KEBUDAYAAN** menyatakan adakah terdapat sebarang kajian yang telah dilaksanakan berkenaan impak pola tabiat membaca bahan bercetak di kalangan generasi muda di Malaysia yang semakin menampakkan penyusutan dan seterusnya lenyap. Apakah langkah positif yang telah diambil dalam memastikan tabiat membaca bahan-bahan bercetak seperti buku dan majalah yang sepatutnya menjadi kayu ukur daya intelektual sesebuah bangsa dapat dipertingkatkan dan digalakkan.
49. PR-1333-L69826
Dr. Noor Azmi bin Ghazali [Bagan Serai] minta **MENTERI PEMBANGUNAN WANITA, KELUARGA DAN MASYARAKAT** menyatakan apakah langkah Kerajaan untuk melindungi golongan warga emas dan bagaimana usaha untuk meningkatkan kualiti hidup mereka baik daripada aspek kesihatan mahupun sosial, memandangkan bilangan warga emas dalam kalangan negara-negara ASEAN dijangka meningkat dari 24 juta pada 2020 ke 58 juta pada 2025.
50. PR-1333-L70669
Dr. Haji Izani bin Haji Husin [Pengkalan Chepa] minta **MENTERI KESIHATAN** menyatakan berapa peratusan masyarakat yang menolak imunisasi (anti-vaksin) hasil gerakan anti-vaksin yang aktif di media sosial. Adakah terdapat peningkatan penularan penyakit akibat dari penolakan vaksinasi tersebut.
51. PR-1333-L70504
Dr. Ismail bin Daut [Merbok] minta **MENTERI SUMBER ASLI DAN ALAM SEKITAR** menyatakan langkah segera dalam menangani masalah jerebu teruk yang melanda negara dan mengambil tindakan tegas bagi mengelak daripada jerebu teruk berulang kembali.
52. PR-1333-L70286
Dato' Fauzi bin Abdul Rahman [Indera Mahkota] minta **MENTERI PENDIDIKAN** menyatakan adakah Kementerian bersedia mengkaji semula Dasar dan Sistem Pendidikan Negara agar memberi penekanan yang lebih dan ditanam dari awal persekolahan lagi dengan nilai keagamaan, moral, etika dan integriti kepada pelajar agar dapat menzahirkan generasi Rabbani dan Ulul Albab. Dengan sedemikian, negara akan menzahirkan masyarakat yang bersih, cekap dan amanah dalam apa jua bidang yang mereka ceburi.
53. PR-1333-L70463
Tuan Ng Wei Aik [Tanjong] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan tindakan-tindakan yang boleh diambil terhadap Koay Chiew San (No. Kad Pengenalan: 630801-07-5667) yang didakwa menjalankan skim jualan langsung yang mensasarkan golongan muda yang berumur sekitar 18 hingga 25 tahun dan berunsurkan penipuan wang dan seks dalam premis yang beralamat No. 3, Lintang Lembah Permai 1, Tanjung Bungah, 11200 Pulau Pinang.

54. PR-1333-L70252
Dr. Tan Seng Giaw [Kepong] minta **MENTERI PENDIDIKAN** menyatakan pelbagai masalah yang dihadapi oleh Kementerian apabila melaksanakan Pelan Pendidikan Malaysia (2015-2025).
55. PR-1333-L70348
Tuan Gooi Hsiao-Leung [Alor Setar] minta **PERDANA MENTERI** menyatakan berapa projek pembangunan yang diluluskan di bawah RMKe-9 dan RMKe-10 untuk negeri Kedah yang belum diselesaikan, dan memberi penjelasan untuk kelambatan dalam menghabiskan projek-projek tersebut.
56. PR-1333-L71304
Datuk Wira Haji Ahmad bin Hamzah [Jasin] minta **PERDANA MENTERI** menyatakan langkah-langkah konkrit untuk menyusun semula struktur ekonomi yang tidak mapan ini kerana kenaikan gaji (CAGR 4.2%) adalah lebih tinggi dari kenaikan produktiviti (CAGR 2.6%).
57. PR-1333-L69531
Datuk Jumat bin Idris [Sepanggar] minta **MENTERI BELIA DAN SUKAN** menyatakan apakah pelan jangka masa pendek dan jangka masa panjang Kementerian dalam mengembalikan maruah bola sepak negara yang mempersembahkan prestasi yang agak teruk khususnya prestasi pasukan kebangsaan.
58. PR-1333-L70217
Dato' Ngeh Koo Ham [Beruas] minta **PERDANA MENTERI** menyatakan kenapa Peguam Negara Tan Sri Abdul Gani Patail dipecat daripada kedudukannya.

ATURAN URUSAN MESYUARAT DAN USUL-USUL

1. **Menteri di Jabatan Perdana Menteri** akan mencadangkan:

“**BAHAWA** pada Isnin, 19 Oktober 2015, Yang Berhormat Tuan Lim Kit Siang, Ahli Parlimen Kawasan Gelang Patah telah mengeluarkan kenyataan semasa perbahasan usul pelantikan Pengerusi Jawatankuasa Kira-Kira Wang Negara yang merupakan satu tuduhan ke atas Yang di-Pertua Dewan Rakyat mengenai penangguhan mesyuarat Jawatankuasa Kira-Kira Wang Negara.

BAHAWA tuduhan itu menyatakan Yang di-Pertua Dewan Rakyat tidak ada kuasa di bawah Peraturan-Peraturan Majlis Mesyuarat Dewan Rakyat untuk menangguhkan mesyuarat Jawatankuasa Kira-Kira Wang Negara dan mendakwa Yang di-Pertua Dewan Rakyat telah menyalahgunakan kuasa.

BAHAWA Yang Berhormat Ahli Parlimen Gelang Patah membuat tuduhan bahawa Yang di-Pertua Dewan Rakyat juga telah melakukan sabotaj terhadap penyiasatan 1MDB.

BAHAWA Yang Berhormat Ahli Parlimen Gelang Patah melemparkan tuduhan bahawa Yang di-Pertua Dewan Rakyat menjadi diktator dalam membuat tafsiran kepada peraturan mesyuarat dan turut mempolitikkan kedudukan beliau sebagai Yang di-Pertua Dewan Rakyat.

BAHAWA tuduhan-tuduhan yang dibuat oleh Yang Berhormat Ahli Parlimen Gelang Patah adalah dakwaan yang amat serius dan merupakan suatu penghinaan kepada Yang di-Pertua Dewan Rakyat dan demikian bererti penghinaan juga kepada Majlis Mesyuarat Dewan Rakyat.

MAKA INILAH DIPERSETUJUI BAHAWA Yang Berhormat Tuan Lim Kit Siang, Ahli Parlimen Kawasan Gelang Patah hendaklah digantung daripada perkhidmatan Majlis Mesyuarat selama enam (6) bulan dari tarikh usul ini diputuskan.”.

2. (D.R. 27/2015) Rang Undang-undang Kumpulan Wang Simpanan Pekerja (Pindaan) 2015 - **Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang” (21 Oktober 2015)**

[Menteri Kewangan]

3. (D.R. 28/2015) Rang Undang-undang Perbadanan Insurans Deposit Malaysia (Pindaan) 2015. **Bacaan Kali Yang Kedua**

[Menteri Kewangan]

4. (D.R. 30/2015) Rang Undang-undang Syarikat 2015 “

**[Menteri Perdagangan Dalam Negeri,
Koperasi dan Kepenggunaan]**

5. (D.R. 29/2015) Rang Undang-undang Skim Kepentingan 2015. “

**[Menteri Perdagangan Dalam Negeri,
Koperasi dan Kepenggunaan]**
6. (D.R. 9/2015) Rang Undang-undang Kanun Tatacara Jenayah (Pindaan) 2015 “

[Menteri Dalam Negeri]
7. (D.R. 12/2015) Rang Undang-undang Keterangan (Pindaan) 2015 “

[Menteri di Jabatan Perdana Menteri]
8. (D.R. 24/2014) Rang Undang-undang Dadah Berbahaya (Pindaan) (No. 2) 2014 “

[Menteri Kesihatan]

9. PR-1333-U69963

Datuk Dr. Makin @ Marcus Mojigoh [Putatan] akan mencadangkan:-

“Bahawa Dewan ini mengambil maklum bahawa sejak akhir-akhir ini, dan Gerakan Sabah-Sarawak keluar Malaysia (SSKM) kian mendapat perhatian dan sokongan dari sebilangan kecil rakyat dari kedua-dua negeri ini.

Bahawa Dewan ini mengambil maklum bahawa, terdapat rungutan-rungutan di kalangan rakyat negeri Sabah dan Sarawak dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau tidak ditunaikan. Dan mengambil maklum juga, antara isu utama yang disuarakan dalam rungutan ini adalah banjir pendatang asing ke negeri Sabah dan di tambah buruk pula dengan pemberian status warga Negara kepada mereka ini. Dan mengambil maklum juga bahawa, setiap kali isu 20 perkara (bagi Negeri Sabah) dan 16 perkara (bagi Negeri Sarawak) dalam Perjanjian Malaysia ini disuarakan, terdapat usaha-usaha pihak tertentu untuk mensenyapkan isu ini dan akhirnya rungutan-rungutan ini menjadi satu gerakan ketidakpuasan hati rakyat. Dan mengambil maklum juga bahawa, gerakan ketidakpuasan hati rakyat ini telah sampai satu tahap di mana mereka secara terbuka mengelarkan diri mereka sebagai aktivis Sabah-Sarawak keluar Malaysia atau ringkasnya SSKM.

Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Kita maklum bahawa, mengambil tindakan Undang-undang semata-mata untuk menghalang mereka ini bagi menyuarakan rungutan mereka ini tidak akan menyelesaikan isu yang ditimbulkan, malah akan merumitkan keadaan lagi di mana mereka akan semakin mendapat simpati daripada kalangan rakyat yang lainnya sementara Kerajaan pula dianggap sebagai tidak perihatin dan kuku besi. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara Holistik termasuklah menjemput dan mendengar rungutan mereka yang menggelarkan diri mereka sebagai SSKM ini."

[Menteri Dalam Negeri]

10.PR-1333-U69964

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, terdapat rungutan-rungutan di kalangan rakyat bahawa sejak akhir-akhir ini, perpaduan, keharmonian, kesejahteraan dan kerjasama antara rakyat negara ini yang terdiri dari berbilang kaum dan agama telah terhakis. Dan mengambil maklum juga, antara isu utama menyebabkan perkara ini berlaku kerana terdapat golongan tertentu yang memainkan isu bangsa dan agama sewenang-wenangnya serta rakyat merasakan tidak ada tindakan tegas yang diambil bagi menangani masalah ini. Dan mengambil maklum juga bahawa, Perhimpunan Bersih 4 dan Perhimpunan Rakyat Bersatu baru-baru ini telah menanamkan bibit kebencian serta syak wasangka antara kaum di negara ini. Dan mengambil maklum juga bahawa, Rukun Negara sebagai tonggak perpaduan, keharmonian, kesejahteraan dan kerjasama antara rakyat negara ini secara tidak langsung tidak lagi dihormati dan dipatuhi. Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara Holistik termasuklah menjemput dan mendengar rungutan mereka ini.

Kerajaan juga hendaklah menguatkuasakan segala peruntukan Undang-undang yang ada bagi menghalang mana-mana demokrasi atau perjumpaan umum yang membangkitkan isu bangsa dan agama, yang boleh menggugat perpaduan, keharmonian, kesejahteraan dan kerjasama antara rakyat negara ini."

[Perdana Menteri]

11. PR-1333-U69965

Datuk Dr. Makin @ Marcus Mojigoh [Putatan] akan mencadangkan:-

“Bahawa Dewan ini mengambil maklum bahawa, terdapat laporan mengatakan bahawa operasi bot lautan dalam yang beroperasi di negara ini tidak mendatangkan faedah kepada negara ini secara total. Dan mengambil maklum juga, antara isu utama yang disuarakan dalam laporan ini adalah, para pengusaha bot lautan dalam ini menjual minyak diesel bersubsidi kepada bot-bot asing. Dan mengambil maklum bahawa, terdapat juga laporan bahawa tangkapan bot lautan dalam ini dijual kepada nelayan asing yang menawarkan harga yang lebih baik. Dan mengambil maklum juga bahawa, kedua-dua aktiviti yang disebutkan ini telah mendatangkan kerugian yang besar kepada negara ini, sama ada dari segi subsidi diesel mahupun dari segi tangkapan hasil lautan di negara ini dijual ke negara asing. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu sistem kawalan yang bersepadu bagi memastikan bahawa semua diesel bersubsidi digunakan dengan niat asal serta tangkapan tersebut hendaklah dipasarkan di negara ini.”

[Menteri Pertanian dan Industri Asas Tani]

12. PR-1333-U69966

Datuk Dr. Makin @ Marcus Mojigoh [Putatan] akan mencadangkan:-

“Bahawa Dewan ini mengambil maklum bahawa, isu 1MDB telah mencemarkan nama baik Kerajaan dan Negara Malaysia pada umumnya. Dan mengambil maklum juga, isu 1MDB telah sedikit sebanyak menghakis kepercayaan pelabur asing kepada Sistem Pelaburan di Negara ini. Dan mengambil maklum juga bahawa, isu 1MDB telah disensasikan melalui media sosial, media elektronik dan media asing dengan sewenang-wenangnya yang menggambarkan bahawa syarikat milik Kerajaan ini hampir muflis dan liabilitinya perlu ditanggung oleh Kerajaan. Dan mengambil maklum juga bahawa, hasil daripada kemuskilan ini, rakyat pada umumnya mempersoalkan cara kerja Kerajaan mentadbir 1MDB sehingga mengalami kerugian yang besar dan terpaksa menanggung liability 1MDB. Maka, bagi menangani masalah ini, Dewan Yang Mulia ini hendaklah mengambil ketetapan bahawa, Kerajaan hendaklah memperjelaskan secara terperinci mengenai model perniagaan 1MDB kepada umum agar satu gambaran yang telus dapat mereka perolehi serta mengembalikan kebolehppercayaan rakyat kepada Kerajaan masa kini.”

[Menteri Kewangan]

13. PR-1333-U70485

Tuan Ng Wei Aik [Tanjong] akan mencadangkan:-

“Bahawa Dewan Rakyat ini mengambil ketetapan untuk mengutuk Perhimpunan Rakyat Bersatu yang diadakan pada 16 September 2015 yang sifatnya berbaur perkauman serta bertujuan mengapi-apikan sentimen perkauman, termasuk menuntut supaya sekolah-sekolah Cina ditutup, menggelar anggota-anggota polis yang bertugas sebagai “barua Cina”, cuba menimbulkan kekecohan di Jalan Petaling serta mempersoalkan keperluan “Little India” diwujudkan dan tindakan-tindakan yang sewajarnya harus diambil terhadap pihak penganjur dan pihak-pihak yang harus bertanggungjawab.”

[Menteri Dalam Negeri]

14. PR-1333-U70272

Tuan M. Kulasegaran [Ipoh Barat] akan mencadangkan:-

“Bahawa Dewan ini mengambil maklum demi kepentingan negara dan masyarakat sejagat pandangan serius terhadap kestabilan ekonomi dan kemajuan negara harus diberi perhatian sepenuhnya. Oleh yang demikian Dewan ini perlu mengambil maklum mengenai perkara ini dan mengarahkan Kerajaan untuk mengatasi masalah ini.”

[Perdana Menteri]

15. PR-1333-U70255

Dr. Tan Seng Giaw [Kepong] akan mencadangkan:-

“Bahawa Menteri Kewangan membincangkan cara-cara yang diambil untuk mempertahankan nilai ringgit.”

[Menteri Kewangan]

16. PR-1333-U70256

Dr. Tan Seng Giaw [Kepong] akan mencadangkan:-

“Bahawa Menteri Sumber Asli dan Alam Sekitar mendebatkan masalah jerebu di rantau in.”

[Menteri Sumber Asli dan Alam Sekitar]

17. PR-1333-U71552

Tuan Fong Kui Lun [Bukit Bintang] akan mencadangkan:-

“Bahawa Kerajaan mempergiatkan usaha untuk menyatu padukan rakyat berbilang kaum di Malaysia yang kelihatan masih lemah dan longgar meskipun negara telah menjadi negara merdeka dan berdaulat sejak 58 tahun lalu supaya mereka boleh hidup dengan aman dan saling memerlukan dan memahami bagi memudahkan mereka membangunkan ekonomi negara secara bersama dan merealisasikan impian Malaysia.”

[Perdana Menteri]

18. PR-1333-U71553

Tuan Fong Kui Lun [Bukit Bintang] akan mencadangkan:-

“Bahawa Kerajaan memulihkan pilihan raya Kerajaan Tempatan seluruh negara supaya urus tadbir Kerajaan menjadi cekap, akauntabiliti dan bersih dengan mengambil langkah pertama untuk membuat kajian serius dan melakukan pungutan suara antara rakyat.”

[Menteri Kesejahteraan Bandar, Perumahan dan Kerajaan Tempatan]

19. PR-1333-U69805

Dato' Kamarudin bin Jaffar [Tumpat] akan mencadangkan:-

“Bahawa Dewan ini memutuskan untuk Malaysia menerima masuk, memberi perlindungan dan akhirnya memberikan taraf kewarganegaraan kepada 1000,000 orang rakyat negara Syria daripada jutaan orang yang sekarang menjadi pelarian di Turki dan Eropah.”

[Perdana Menteri]

20. PR-1333-U69806

Dato' Kamarudin bin Jaffar [Tumpat] akan mencadangkan:-

“Bahawa Dewan ini merakamkan perasaan sedih dan kecewa bahawa perjalanan kerja-kerja Jawatankuasa Kira-kira Wang Negara (PAC) telah tergendala oleh beberapa sebab dan dengan ini memutuskan untuk meminta Tuan Yang di Pertua Dewan Rakyat dengan segera melicinkan semula perjalanan Jawatankuasa itu.”

[Perdana Menteri]

21. PR-1333-U69807

Dato' Kamarudin bin Jaffar [Tumpat] akan mencadangkan:-

“Bahawa Dewan ini amat tidak berpuas hati dengan kemajuan pembinaan rumah-rumah untuk mangsa banjir negeri Kelantan. Oleh itu Dewan ini mendesak Kerajaan Pusat berusaha dengan lebih gigih lagi bersama dengan Kerajaan Negeri Kelantan untuk melipatganda usaha pembinaan rumah-rumah tersebut.”

[Perdana Menteri]

22. PR-1333-U70769

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, hubungan antara kaum mutakhir ini makin meruncing dan jika tidak dibendung akan mencapai tahap amat merbahaya dan akibatnya negara akan hancur seperti yang terjadi di negara-negara lain yang sedang bergolak akibat isu perkauman. Bila rakyat Malaysia berbangsa Dayak, Kadazan, Orang Asal, Cina, Melayu, Jawa, Bugis atau apa suku kaum sekalipun mengkritik dan mempersoalkan hal tatakelola Negara dan kepimpinan Perdana Menteri dan Kabinetnya, rakyat tidak mempersoalkan ras Perdana Menteri. Rakyat mempersoal Perdana Menteri atas kapasiti beliau sebagai Ketua Eksekutif Negara. BERSIH 4.0 menganjurkan demo jalanan kerana mendesak Perdana Menteri memberi jawapan kepada banyak persoalan yang tidak terjawab. Soal 1MDB, Derma RM 2.6 bilion, Pertukaran Pegawai-pegawai SPRM, Penamatan khidmat Tan Sri Gani Patail sebagai Pendakwa Raya, pembebasan Abdul Razak Baginda yang rapat dengan Perdana Menteri dalam kes pembunuhan Altantuya Shaaribuu yang amat memalukan negara dan banyak lagi isu yang amat-amat mendesak yang tidak dijawab oleh Perdana Menteri secara meyakinkan. Untuk itu Kerajaan mesti membezakan mengkritik Perdana Menteri bukan mengkritik bangsa Perdana Menteri tetapi kerana Perdana Menteri adalah Ketua Eksekutif Negara yang sememangnya boleh dikritik yang dibenarkan oleh sistem pemerintahan yang diamalkan di negara ini.”

[Perdana Menteri]

23. PR-1333-U70770

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, bila UMNO dan NGO yang menyokong UMNO menganjurkan demo jalanan bertemakan Himpunan Maruah Melayu pada 16 September 2015 yang kemarahan disasarkan kepada rakyat kaum Cina, yang dikatakan mendominasi Himpunan BERSIH 4.0 pada 29 dan 30 Ogos 2015, penganjur memilih kaum Cina sebagai fokus serangan. Penganjur membawa posters dan banners tertulis kata-kata provokasi dan perkauman yang amat merbahaya seperti “Ini Tanah Melayu, Cina boleh keluar”. “Bawa parang dan keris. Takut Cina. Umno perlukan anda”.

Sedangkan yang keluar dijalanan pada 29 dan 30 Ogos 2015 rakyat dari berbagai kaum termasuk Melayu dan Bumiputra yang lain. Kaum lain selain Cina juga menyuarakan perasaan tidak puas hati mereka terhadap Perdana Menteri. Di mana yang dikatakan Cina menghina Melayu dan Maruah Melayu dicabar. Kerajaan mesti berjiwa besar. Walaupun Kerajaan Barisan Nasional diterajui oleh UMNO dan Melayu tetapi rakyat negara ini terdiri dari berbagai bangsa yang wajib dilindungi dan dihormati.”

[Perdana Menteri]

24. PR-1333-U70772

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, penyakit Denggi akibat jangkitan nyamuk di Malaysia telah mencapai satu tahap yang merbahaya. Lebih parah kematian akibat penyakit ini sudah diterima sebagai satu yang lumrah dan tidak ada rasa bersalah oleh pemerintah. Kerajaan sepatutnya menubuhkan satu institusi khas bagi melawan wabak ini dengan memberikan peruntukan kewangan yang secukupnya serta membekalkan berbagai pakar bagi menjadikan institusi ini betul-betul memberi tumpukan dan perhatian kepada masalah yang begitu lama tidak dapat diselesaikan. Malaysia mesti memainkan peranan utama dan boleh menjadi juara dalam memerangi penyakit ini bukan sahaja di rantau ini malah di dunia. Kerajaan mesti serius dan komited dalam hal ini.”

[Menteri Kesihatan]

25. PR-1333-U70774

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, Kementerian Belia dan Sukan banyak memberi tumpuan kepada pembangunan sukan tetapi meninggalkan pembangunan belia di belakang. Setiap tahun ribuan anak-anak Malaysia yang keluar dari sekolah dan ramai yang tidak melanjutkan pelajaran ke pengajian tinggi atas berbagai sebab dan alasan. Akibat tidak ada program wajib yang mesti diikuti dan disertai oleh mereka, mereka menjadi satu eset yang amat bernilai yang terbiar dan tidak dimanfaatkan sepenuhnya. Adalah dicadangkan anak-anak ini, didaftarkan dan diwajibkan menyertai Khidmat negara selama dua tahun seperti yang dilakukan dikebanyakkan negara. Semasa dalam program ini, pilih dua atau tiga bidang ilmu yang boleh memberi menafaat berterusan bila mereka tamat program nanti. Sebagai contoh, ilmu motor mekanik dan elektrik. Selepas dua tahun mereka boleh berdikari dan bantuan susulan boleh diusahakan. Untuk memastikan program ini berjaya ianya mesti dilaksanakan sebagai program wajib dan dikembangkan dengan elemen ketenteraan.”

[Menteri Belia dan Sukan]

26. PR-1333-U70776

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, kegiatan merempit oleh anak-anak muda khasnya anak Melayu amat memalukan bangsa dan Kerajaan. Kerajaan seolah-oleh tidak ada jawapan pada permasalahan ini. Mereka yang merempit bukan sahaja membahayakan nyawa mereka juga nyawa orang awam. Adalah dicadangkan pihak polis menggunakan anggota Cawangan Khas bagi meninjau dan kenal pasti ketua kumpulan ini dan menahan mereka atas undang-undang yang sedia ada. Penahanan mereka hendaklah dihebahkan dalam akhbar dan media elektronik. Menahan mereka untuk beberapa malam di lokap dan jika ada bukti yang cukup mendakwa mereka di mahkamah akan menghantar mesej yang jelas bahawa kegiatan mereka amat merbahaya dan amat dibenci oleh masyarakat. Ini mesti dilakukan secara konsisten bukan berkala.”

[Menteri Dalam Negeri]

27. PR-1333-U71195

Tuan Hee Loy Sian [Petaling Jaya Selatan] akan mencadangkan:-

“Bahawa Dewan ini mengemukakan Undi Tidak Percaya terhadap Perdana Menteri Datuk Seri Najib Tun Razak atas alasan penerimaan “Wang Derma” berjumlah RM2.6 billion yang pada mulanya dinafikan, kemudiannya mengugut untuk menyaman akhbar Wall Street Journal dan akhirnya mengakui wang tersebut diperolehi daripada individu yang berasal dari Timur Tengah. Dengan tidak menjelaskan mengapa “Wang Derma” ini dimasukkan ke akaun peribadi dan bukan atas nama parti, Dewan juga tidak berpuas hati ke atas siasatan skandal 1MDB yang berlaku di mana “Special Task Force” yang sepatutnya menyiasat skandal ini dibubarkan tanpa memberi sebarang alasan sehingga Peguam Negara Tan Sri Abdul Gani Patail ditamatkan perkhidmatan, pegawai SPRM dipindahkan, pihak polis mengganggu siasatan SPRM dan Bank Negara, Public Account Committee (PAC) yang sedang menjalankan siasatan terhadap kes 1MDB tidak berfungsi akibat daripada empat anggota PAC yang terbabit telah dilantik menjadi Menteri atau Timbalan Menteri oleh Perdana Menteri, Pengarah Cawangan Khas (SB) diberhentikan, Timbalan Pengarah Cawangan Khas dipindahkan ke Jabatan Perdana Menteri tanpa diberi tugas. Disebabkan masalah yang dinyatakan, Perdana Menteri Datuk Seri Najib Tun Razak telah menjejaskan imej Negara di dunia dan menyebabkan pelabur tidak yakin terhadap Kerajaan sekarang sehingga ekonomi menjadi tidak stabil, serta pasaran saham menjunam teruk dan kejatuhan nilai wang ringgit Malaysia berbanding dengan dolar Amerika Syarikat. Maka rakyat Malaysia tidak lagi percaya terhadap Perdana Menteri dan dengan ini Dewan hendaklah mengambil ketetapan untuk mengemukakan Undi Tidak Percaya terhadap Perdana Menteri.”

[Perdana Menteri]

28. PR-1333-U70806

Tuan Manivanan a/l Gowindasamy [Kapar] akan mencadangkan:-

“Bahawa Dewan ini mempertimbangkan cadangan untuk menghalang dan mengharamkan penjualan arak murahan (cheap liquor) secara mudah dan murah yang semakin berleluasa. Gegaja pengambilan arak murahan ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu diketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama.”

[Menteri Kesejahteraan Bandar, Perumahan dan Kerajaan Tempatan]

29. PR-1333-U70808

Tuan Manivanan a/l Gowindasamy [Kapar] akan mencadangkan:-

“Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan.”

[Menteri Dalam Negeri]

30. PR-1333-U70809

Tuan Manivanan a/l Gowindasamy [Kapar] akan mencadangkan:-

“Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia.”

[Menteri Pendidikan]